

中國地方志集成

中國地方志集成

（11）

中國地方志集成

安徽府縣志輯 ④⑩

民國當塗縣志(二)



江蘇古籍出版社 ● 上海書店 ● 巴蜀書社

當塗縣志卷之

人物志

忠節

古者男子言忠不言節女子言節不言忠殊不知男子忠於其國與女子忠於其夫其節同也舊志新忠節完節為二門以為男女之大防而婦人之死其夫與女子之死其未婚夫則又別為烈婦烈女其有守貞者別立貞女一門未免子目繁瑣今則各以類從凡女子因事親而守貞者以其孝案入孝友因夫亡而守貞者以其節案入忠節示男女無軒輊云

當塗縣志卷

卷

王諒 字幼成丹陽人有幹畧參王敦府事遷武昌守初新昌太守梁碩專威交趾發兵拒刺史王機自領交趾太守而迎前刺史修則子湛行州事敦以諒為交州刺史曰修湛梁碩皆國賊也至使收斬之諒到境湛退還入貢廣州刺史陶侃遣人誘湛諒諒勸從人無得入門執之碩時在座曰湛故州將子有罪不當殺諒曰是君義固無豫我事即斬之碩怒而出諒謀誅碩弗克碩遂圍諒於龍編侃救兵未至而諒敗碩逼諒奪其節諒固執不與遂斷諒右臂諒正色曰死且不畏臂斷何有憤恚十餘日卒後侃軍誅碩傳首京都晉書有傳

樂道融 丹陽人少有國士風為王敦參軍敦圖逆謀害朝賢以討劉琨為名邀甘卓同舉事卓不赴敦遣道融召之

道融雖為敦佐而忿其逆節因說卓曰主上躬統萬機非專任劉琨今敦背恩肆逆舉兵犯主國家待君至厚君若同之豈不負義耶君偽應命而馳襲武昌敦眾必不戰自散卓然之乃與巴東監軍柳純等露檄列敦過逆率所統致討又遣人齎表詣臺後敦遣卓兄子印來和於卓卓信之道融諫曰將軍起義兵而中廢為敗軍之將竊為將軍不取今士卒各求其利恐一旦欲還不可得也卓不從道融晝夜泣諫憂憤而死晉書有傳

當塗縣志卷

卷

董僧慧 姑孰人慷慨有志節好讀書臂力絕人能反手於臂彎弓事晉安王子懋為防閭晉安欲討反側以酒都陽隨郎二王之死僧慧攘袂勸之及晉安遇害與英岐號哭盡哀為之喪殯主將王元邁知其豫謀執之僧慧曰晉安舉義兵僕實豫議古人云非死之難得死為難得為主死無恨願至主人大斂畢就死元邁義而許之白明帝免死配東冶每言及九江時事輒悲不自勝子懋子昭基九歲以方二寸顯為書候其消息并遺錢以金假人得達僧慧親書曰此郎君書也悲慟而卒南史附晉安王子懋傳

唐

王居巖 僖宗朝官驍騎長史廣明之亂棄官居青山楊行密據淮南欲尊顯退還以自文飾迫居巖出不就至臨以

兵居嚴散遣妻子以一身歸行密授湖州別駕以爲之一
日行客大會賓客夫居嚴所在急使人掩其廬則虛矣後
有人於嵩山見一石室問其旁或云道人王居嚴曾棲此
去莫知所終四世孫達別有傳 舊志謂居嚴有大節不
宜入隱逸良是今列於此 舊志

桓彥範母 丹陽人武后末年彥範爲右羽林將軍掌禁兵
既與宰相張柬之等定匡復之計以事白母母曰忠孝不
並立義先國家可也彥範遂同柬之等引兵入宮廢太后
奉中宗復位 舊志

李白二孫女 一歸陳雲一歸劉勸皆農夫宣歙觀察使范
傳正改葬白於青山之陽欲令二女改適士族辭以孤窮

當塗縣志 卷

失身命也不願更嫁傳正賢之免其夫徭役 舊志列入外省
賢淑今附

宋

宋惠直 字子溫崇寧進士解褐德化簿初名直方因朝廷

頒天下黨籍凡士夫與黨人同姓名者許更名自別有姓

名通同者直曰名可改直豈可去耶遂狀吏部改今名用

薦調歙州推官政和七年中詞學兼茂科遷太常博士父

嘗被勢家攘其山反誣繫獄直願以身代罰不許乃齋告

身求贖又不許會父病得歸而死直茹屈卽哀水漿不入

口坐起皆杖人以死孝稱之建炎三年周公望奉使金辟

直隨使節超拜朝議大夫武勸辭之直曰天步方艱豈臣

子擇利時乎行次廣陵以書遺友有捐軀保國語兼程進

遇兵剽行李疾作卒於高郵子既字益謙陰將仕郎尉新
安樂其山水有家焉之志累陞知臨安府民訟于不孝母
祈免即寬假之朝議既無斷既曰治一不孝子何難優容
者欲全其母子恩耳上是之累官敷文閣學士吏部尚書
以恩累贈其父直官至少師著有建炎文集徙居嚴州一
統志有傳 舊志

唐敏求 字好古宣和進士調德化主簿盜起敏求挺身率
衆捍賊度力不支論以禍福賊憤詆觸諫而前遂遇害事
聞贈官補其子楠將仕郎宋史有傳 舊志

孫德昭 建炎中諸王邸馬領兵禦金於大儀時以孤軍抗
強敵不勝死於陣勅封郡馬忠烈侯賜葬博望鄉之丁葛

當塗縣志 卷

村官其子熾招武將軍熾子應成嘉定進士江南通志有

傳 舊志

張伯麟 字慶符少強學不忘言笑長以氣豪里中每慕古

人奇節人未之知也紹興初以明春秋補入太學時秦檜

主和議百執事相戒以言伯麟憤時事題齋壁云夫差而

忘勾踐之殺而父子同舍生大駭詰其壁不可元夕張

燈伯麟出遊遇中官白謁門見籠燈盛設取筆題其上如

齊壁語諒者以聞檣下之狹筆楚無全膚批以指斥來與

罪流吉陽軍謫亦流死檣死伯麟得還一統志有傳 舊志

馬進 一名俊當塗軍籍隸慈湖寨伉儷沉鸞同伍嚴憚

之紹興中軍校陸德邵青據城叛青尤悍點衆倚爲長城

密謀翌日屠城敵所掠絕江渡淮而北進適在圍城中憤甚陰結其僞十人挺刃雜隊伍中遇青進扭之下馬執刃斬中頰血濺面九人無一動者進遂遇害併及妻子惟一女得脫青被創劇賊擁臥營中自是氣沮不決日官軍收復州城上其事詔贈進六品官仍官其婿王克寧鄉人哀其死聚骸而瘞即死所立廟號登勇將軍賜額曰明恩每歲正月十八日有司致祭宋史有傳舊志

楊宏中 福州人國子生僑居當塗寧宗時丞相趙汝愚竄永州祭酒李祥博士楊簡抗疏救之今補外宏中曰師儒辨宰相之寬而諸生不能留師儒之去於義安乎乃與杜仲麟等五人伏闕上書乞竄李祥以謝天下號為六君子

當塗縣志 卷

後登進士判潭州 舊志流寓

趙時賞 宋宗室居太平州知旌德縣德祐初元兵至境時賞擁兵捍戰有功陞直寶章閣從二王入閩會文天祥開府劍南以時賞為督參與趙孟榮將一軍趨贛以復寧都時景炎元年十月也尋擢知邵武軍復以為招討副使監軍空坑之敗天祥妻子皆見執時賞坐肩輿元兵問為誰時賞曰姓文眾以為天祥擒之天祥由是得與長子道生乘騎逸去時賞至隆興奮罵不屈有條累至者輒麾去云小山舍廳官耳執之何為得脫者甚眾臨刑劉沐頤自辯叱之曰死耳何必然遂見殺宋史有傳舊志

趙時踐 字容月采石人廣德司尸參軍以廉能召郡守推

重其才使攝建平事元兵南下先驅至東門時踐登縣樓鉦鼓打鉦為守禦計城陷與妻子僕妾八人赴溪潭死事見廣德州名宦南畿志有傳舊志

呂武 太平州步卒也元兵拘文天祥北去武應募從行時北將防範甚嚴至鎮江將渡天祥與武密謀得脫赴通州由海道南歸間闖百死中賴武力為多天祥知樞密院命武招豪傑於江淮會開府劍南武以武功補官總轄武感天祥知遇結州縣起兵相應道阻復崎嶇數十里即天祥於汀州挺身擇難化賊為兵後出江西死於橫逆一軍揮涕而葬之武忠鯁出天性不避強禦而好面折人過多觸忌諱故及於禍云宋史有傳舊志

當塗縣志 卷

元

丁月娥 萬通南妻元末南北兵起月娥攜諸婦諸女僞居郡城河寇至城失守月娥抱所生女赴水死諸婦女凡九人皆爭相入水無一敢後者一統

明

王愷 字用和高常兵下太平以愷居幕府亟薦賢元戎宿將倚重焉既命兼總制衢州軍民增城浚濠益兵足食常遇春部將侵民愷提諸市常讓之對曰民者國之本將軍天子股肱肯令傷其本乎提一部將而民安計將軍所樂聞也遇春疑之時守將出降者審察民情而緩莫之諸暨成將謝再興與部帥有違言幾致亂愷調解之時饑疫

當塗縣志

卷

相似惶出倉粟修惠濟局全活無算學校毀與孔子家廟
之在衛者並新之設博士弟子員士翕然悅服開化焉宣
江山楊明並為亂先殺討禽之猾胥潘立道操金華一邑
田賦之柄飛寄詭通廉其罪狀而法治之善謀能斷繁綱
布紀所至凜然吳時呂珍侵諸暨堰水灌城行省胡大海
堰水灌珍珍勢蹙解兵惶時為郎中諫曰彼狡謀勿聽
大海不忍食言竟引還珍果敗盟大海及難苗紳多感惶
德欲擁之西惶正色叱曰吾天子大吏設不幸義當死豈
從賊反耶賊初不敢犯拘繫一日罵愈厲賊知不可屈遂
與次子行同遇害還葬金陵南城外帝為文親祭之追贈
當塗縣男與享鵲籠山功臣廟中後復進爵為子陶安哭

以詩云有兄同死難無路得生旅建業南城外傷心指墓
田惶左幕府時嘗以事入諫帝弗聽惶却立戶外暮猶不
去帝出怪問故從容陳諫如初帝慨然從之帝嘗與宋濂
論佐運臣獨予惶曰王用和經濟才也長子文有學次行
為侍儀階承直郎明史有傳

嚴

總 字君輔采石鎮人號勇善騎射年二十小校從征

平江浙有功陞海寧衛指揮同知守禦杭州洪武元年統
軍討天台反賊力戰中流矢卒贈驃騎上將軍封天水郡
公勅建祠祀焉明史附續英傳

吳

晟 萬戶侯昇第至正庚子陳友諒陷姑孰晟為所執

不屈被殺昇長子興先屯兵城南合攻解小趙元帥之圍

當塗縣志

卷

軍未討冊

賜銀幣未幾與友諒第五軍相戰於采石死之興弟振襲
父兵事領兵同大軍取建昌守江西戰死漳江門取衣冠
葬焉御製文以祭

楊

豫 由袁州衛鎮撫升雷州衛指揮僉事性嚴毅不受

私謁築城壘督屯田軍士附之征龍水賊擒斬李敬宗餘

賊甚多永樂三年備倭海道飭舟師防禦嚴密賊不敢至

四年從征交趾累立奇功中流矢而沒策命旌之

夏

芝榮 理性子青山人性孝有忠勇氣隨父從太祖起兵

每戰輒披堅禦敵屢建奇功時偽漢陳友諒陷安慶榮數

與慶戰以力盡噴血亡未幾旌典時人情之哀

孫

禮 贈工部營繕司主事彬三子從兄廣征死陞卒於

林

聰 字文敏福建閩縣人祖吳任指揮僉事永樂末調

建陽衛守太平伯真以功陞同知無嗣聰代定兩廣蠻獠

進指揮使再征有功陞都指揮僉事留鎮鬱林州成化三

年值蠻賊犯州縣聰提官軍禦於沙湖山至埤塘交峰遇

伏被害子時孫東襲才畧過人嘉靖初陞署都指揮鎮

守金山致仕天啟初孫之隆襲以把總征白蓮賊功累陞

狼山副總兵因疾予告崇禎間流賊竄江北隆請之巡撫

張國維建蕪來營隆為圍練副總江南郎邑獲寧子異材

從豫王平常州題投遊擊致仕俱鄉飲賓江南通志有傳

倪瑞應 字青崖伯鯨次子歲貢由訓導陞富陽知縣時張獻忠犯楚應為全軍計軍餉不足破產以繼報最行取閱部楊嗣昌見所刻全城創賊錄愛其才留軍前賊攻城應率兵死守中流矢卒於官著有倪仲子詩集一統志有傳

倪一驥 號錦行嵩從孫貧無產竭力養親經明行修為諸生最終身舉北北面者數百人皆不責賦脯勢家子禮少怠輒謝去問語學者曰五倫之外無行六經之外無書士以故翕然宗之貢於鄉鄉飲大賓七吏是土者武廬敬禮焉終不一字干謁先是父簿官蜀驛省親歸舟居兩月携二少婢老姬每夜竊視燈火青瑩撫書危坐未嘗卷一動

富津縣志 卷

念除夕獲偷兒係里人分舌耕所餘俸度歲生平隱行類是甲申三月之變驥設主哭臨三晝夜勺漿不入口終其年未嘗露齒也老諸生篤忠愛如此尋卒於家舊志

沈受蒲 字男玉饒於庠品行孤介崇禎十一年知府劉正衡奉旨保舉賢良方正授橫州知州飲水自天甚得民心報最便道省親歸囊如洗人謂曰廉吏可為乎蒲哂曰但求不辱所舉名俾子負薪亦足陞夔州府同知調補成都時張獻忠蹂躪全川復并力會城諸監軍申九月成都陷同弟受躬死之家口藏獲數十人俱罹害清乾隆四十四年賜諡烈愍一統志有傳舊志

吳士瑋 字君玉知州仲文子詩文奇峭有驚人句居三里

旬臨流構樓據溪山之勝積書萬卷與客把酒論文傲岸不羈胸襟拓擊四方名士至姑孰者曰不見唐王猶空返也崇禎丁丑拔貢授徽州府學訓導教士重大節不瑣瑣大藝清兵下徽州時瑋署祁門縣事城破即不食死子宜生亦死之長子繼生自太學哭於墓而死其幼子貞生祺生後俱入邑庠從子德方順治副榜遷安知縣一統志有傳舊志

史記言 字司直崇禎舉人事母以孝聞由長沙知縣遷知陝州陝當賊衝記言出和財募士聘少室僧訓練之八年冬流賊犯陝記言禦之斬數十級老嫗獨憤甚來攻不克乘雪夜來襲而所練士方調他郡遂陷記言縱火自焚二

富津縣志 卷

僧掖之出曰死此何以自明賊獲之令降叱曰有死知州無降知州也遂被殺清乾隆四十一年賜諡忠節明史有傳勝朝列傳諸臣錄

金鼎祚 字爾錫祖充令分水以旱荒緩征忤方解組歸鼎祚有祖風而猶介特甚崇禎八年值恩選拔貢試倣棘間祚膺選冠八府授蘆山知縣川西彈邑劇速窮鄉人多悅惜祚慷慨自命以竟祖志為期許復全蜀為張賊所屠鼎祚殉城死于媳家眾無一生還一統志有傳清乾隆四十四年賜諡節愍舊志

王明德 明末為郡掌故黃兵噪郡與妻徐氏指洋壁曰此止水也並躍入而死舊志

費過龍 薛鎮人開建令景保子貌魁梧天性仁孝萬曆間

伐父督兵征苗時苗勢熾龍奮勇酣戰卒以孤軍深入亡於陣未詳母

李妙清 楊文俊妻年十七適文俊未暮俊病清事之極謹

病篤執妙清手曰早嫁勿自困也清泣曰第愛君身母念我兩家父母恐其情好有累欲暫昇清歸妙清知之先俊自經死舊志

胡戴氏 胡之寧妻寧一作區黃得功兵屠城殺寧見戴督美持

髮驅之行戴給之曰毋持我髮當從汝但家有金錫可取之去兵利其有釋之時婢亦被縛更給曰願偕婢汝從兵又釋之經市河牽婢躍入河屬聲曰夫被殺我豈從汝隨

當塗縣志 卷

伏水底兵度不能得亂鎗創死後屍出上下衣皆密縫蓋一聞變即決志舊志

吳謝氏 貢生吳昌祚妻黃得功兵屠城得謝於茂亭之田

掖之行謝以手抱樹大罵不止兵斷其握樹之指即擲斷指摘兵而兵磔之及殮臂猶著樹祚襲其十指歸終身不再娶舊志

孫陶氏 孫士毅妻有殊色夫死守節十年洎黃兵掠城執

之令以手合尖介刃其指兩間曰從我則死否則裂陶曰義不以身辱盡為幸兵慕其色不忍殺以刃割其指血流竟手脅之曰從乎曰不從兵怒裂其指而十且剗其胸既而鉤其臍腹寸磔之母奔獲亦被戮幼子攜去不

知所終舊志

陳張氏 庠生陳表鑑妻有孝名亂兵掠鄉張為所掩急投

深淵賊出之欲張更服張奮起奪刀斫兵不中遂自刎兵百計全之不能屈怒嘗其屍舊志

張倪氏 張元詰妻黃兵屠城元詰死無子倪哭之慟具棺

殮之乃大呼曰爾死吾殮吾元無殮矣是以慟也遂自沉其婢十二歲亦從之舊志

周程氏 博望鄉周金章妻明末殘兵掠鄉野程猝遇之

不屈赴水中與子周正體相抱死屍起猶連結不解舊志某氏 黃兵屠城有婦數十匿城隅敢樓撒其梯氏踉蹌至欲上眾卻之兵隨至被執問樓上有人否氏曰無設有

當塗縣志 卷

梯可上吾先上兵兵以刃置頸攝之無異詞遂被害樓上婦獲免群拜而慶之惜姓氏無考舊志

楊麗卿 舉人張可選妻建陽衛時陽母也初歸以孝聞選

領鄉薦家壁立朋誼之惟取於紙級生時六歲選亡麗二十餘年備嘗荼苦教陽成進士嘗曰吾願兒做好人勿做其官賜奉教終身淡於干進母訓也官禮曹抗疏申必節

及分憲山東再疏終養楊卒陽向人歎泣曰吾師乎吾母也舊志

洪楊氏 洪貞妻貞貧贅於楊前三年病卒父母以女少欲

奪之楊遂棄粧舍抱二歲子居大家織紉自給苦節終身舊志

張朱氏 張齊妻齊病朱到股療之不瘳守節以致萬曆間

御史王國楨題旌子一鳴一躍躍別傳孫畢宿成進士

張朱氏 張一鳴妻鳴青年博學饒膠庠以勤讀卒年二

十餘朱痛夫亡即繼姑志守節一門之中相每嗣美舊志

夏孫氏 夏邦科妻夫死家貧女紅自給中歲日替祝於天

曰吾以鍼訓為命明其可奪耶忽雙燈自梁上下日遂復

明舊志

唐金氏 唐詔妻詔孤一病篤金捧之旦夕泥首祝天淚枯

額破已不起矣寐中接神藥一極以啖孤乃愈猶眇一目

從三子十孫以醫名者皆其後也巡按御史張雲路獎舊

志 今按唐氏案譜有傳享年八十六生孫王曾孫十玄

常陸縣志

孫十二前志載三子誤未訪

謝陳氏 謝雲門妻年廿一夫客死卧至引刀自刺家人以

襁褓兩孤力解之乃撫子成立子婿竭亦不而隔簾相拜

而已壽九十御史駱駿曾獎舊志

朱張氏 朱應鵬妻石城鄉人二十夫亡撫週歲孤紡績養

姑寢處同室姑病必嘗藥內外敬服舊志

谷張氏 谷凌斗妻年二十一夫亡子通生夫囑以保孤任

重勿輕死氏慟絕復甦後叠遭荒疫艱辛一餐當之苦節

四十餘年子成立孫琦清康熙壬子拔貢以教習考授縣

令未仕卒舊志

陶趙氏 陶萬春妻湖陽人萬曆間夫任衛經歷卒於京氏

守節清姑南京禮部儀制趙公贈雞鴻嬭節額言旌之訪

潘妙靜 陸永資聘妻潘禮女年十九未嫁夫亡女編素杜

門誓不改字父母勸之不從復遭媒反復譬喻女以涕湯

自抵其首自是無敢言者年七十六終於家舊志

白氏女 朱石人父與夫俱失名受聘未嫁夫亡守貞不別

字父母卒依叔白都度日茹荼藥無怨言年七十餘一日

忽更衣暫替拜木主前家人驚駭禮三終而氣絕異香滿

徹廬家廟相姑於白氏蓋僅見云舊志

張玉貞 谷某聘妻父椿元時孝子鍾裔幼子谷姓夫失名

年十七未嫁夫亡父母欲更擇配誓不從四十八年葬於

常陸縣志

家壠時嘉靖三年也舊志

花鄭氏 樞密院判花雲妻定遠人陳友諒臨城雲死之鄭

泣曰夫死吾不獨生然不可使花氏無後以三歲兒輝昇

侍兒孫氏遂起水死孫瘞其屍輝年十二投虎賁右衛副

千戶應指揮命事偕孫來當塗求草為雲軀合部體骨葬

上元學士家廉傳舊志外著

花孫氏 樞密院判花雲侍妾瘞主母鄭氏畢抱兒赴為友

諒軍所執至九江塔被害密山警珥鞠兒復家鄱陽既抗

孫脫身竊兒渡江而東潰軍奔舟梓孫及兒於江浮斷木

皮壽中入蘆渚取蓮實啗兒七日不死有老父號雷志引

之至金陵見太祖孫抱兒泣拜帝亦泣置兒於膝曰時種

也賜名燦賜雷志衣忽不見雲五世孫調達東復州衛指

揮上書請獎嘉靖初結贈部氏貞貞夫人孫氏安人外著

賢節

陳劉氏 陳思慎妻與媳張氏守節並著崇禎七年南京樓

部郎中趙之驛錫雙節可嘉額

夏氏 夏孟女新市李壇村人生於弘治十五年幼字某

姓年十六未嫁夫亡士潛哀不已遂去鉛華越三載父

以女年少欲許配他姓女不允惟恐淫奪其志即殉身於

村東荷花池及殮葬面如生族八憐之建貞女廟於池側

並塑其像至今廟如故

清

當塗縣志

卷

15

陳繼因 丹陽人性剛直無依阿有所不合義氣勃勃見眉

宇順治二年八月有盜賊據橫山為窟穴民無寧居因與

弟繼堯繼舜隨副將林中丞率兵搜捕賊誘入伏遂陷於

賊矢解死鄉人咸感歎而尸祝焉

王 瀚 原名作科字瀛洲花津人乾隆元年以武舉官

運十總勤勞有年升雲南景雲營守備從征普洱有功遇

瘴卒四十四年進錄功臣贈武宣大夫入祀昭忠祠

陳槐祥 字履元洋生姓剛直勵風節不諂於俗咸豐三年

城陷德祥大書張帥國標帶兵來勦指示城內外太平軍

見之遂被害馬壽齡歌以紀其事

孫傲曾 官江西南城典史咸豐五年署南豐知縣城陷同

妻劉難脫伯監生孫銘堂亦死之

潘如棟 字小棠道光乙酉拔貢歷任雲南州縣累擢普洱

永昌知府居官數十年撫民輯盜俱有聲咸豐十一年調

辦雲龍州糧臺為回匪所圍力竭自縊于同知秦泰弟如

棟姪秦元及眷屬均殉難事聞如棟贈太僕寺卿銜祀昭

忠祠世襲雲騎尉次子秦文雲南候補布政司經歷三子

秦增官姚州知州有惠政

李慶龍 字松湖由甘肅庫大使歷任會審夏幕蘭知縣

升河州知州知府銜令軍夏時請免鑿石山以蘇民累

捐建書院資助公車會試費告歸後值咸豐庚申太平軍

入蘇苑寄居金壇之鐵鶴頭被執不屈死

當塗縣志

卷

沈鳳才 字五樓道光庚子優貢官績溪訓導課士勤懇造

就宏多時夏所司訓要源常與鳳才相酬唱並贈以詩有

殘冬閑講席多士仰清輝之句咸豐末調辦嚴寧糧臺遇

事勤敏歷保直隸州知府用同治元年授甘肅階州知州

三年八月太平軍由陝敗入階州鳳才率民固守城陷

死之弟從九品鳳詔子縣丞大霖塔從九品陳廷生及家

屬同時殉難事聞鳳才贈太僕寺卿銜祀昭忠祠世襲雲

騎尉鳳詔大霖廷佐均祀昭忠祠

朱汝霖 字秋鵬邑增生性孝友生平好賦詩常錄鍾作金

鐵聲著有楚游詩草燬於兵于兆元字稚鶴武庠生以軍

功保藍翎五品銜拔補烏黃外委咸豐十一年與太平軍

血戰力竭陣亡其父亦同殉事聞各贈卹如例通志卷八

王開初 字紹德武庫生性仇直勇敢有臂力咸豐三年邑

令王乃番嘉其勇委辦鄉團太平軍犯境屢部之咸豐四

年八月提督鄧紹良檄開初會擊乃率鄉勇數百名迎戰

於東門迎里廟力竭陣亡未訪冊

金樹福 字祚儀廩生世居郡城家貧謀使自給館於楊麓

村猝遇太平軍脅之以行不從投水死又江鴻增生張泰

來王純王松榮李承瀚李承通周運昌皆附生亦居郡城

均先後禦敵被賊死通志卷八

張紹興 字小農附生為優貢柏子工詩文兼善篆法道光

庚子秋仲將赴省試遇學病留侍湯藥中衣履廁躬自洗

當塗縣志 卷八

將母殯擗踊時號如孺子咸豐辛酉有偽鄉官耳其名以

誣請請婉言却之生是益困餓不給泊如也辛酉秋太

平軍有持械入索酒肉者與且勸且罵起以及罵益甚後

以憂憤不食死子孔銘字子鑄拔貢長於詩姓孔經舉人

咸豐三年遇敵不屈投水死通志卷八

唐金鰲 字六階歲貢為人謹飭有法度世居郡城嗣移家

官圩之麻村同治元年十一月太平軍陷官圩遂遇害時

年六十二舉室俱殉同治六年贈廣布政使都事銜廕子

八監孫世德承襲縣主簿同族唐金臺字振香例貢生咸

豐丁巳十月二十一日遇太平軍於張家磯被執大罵不

屈死之姓名澤倫生亦於官圩被賊又唐名鏡從父教請

大礮山以遇敵不屈礮傷俱被執如例通志卷八

唐名鼎 字九輔廩生為優貢金門子咸豐辛酉值堂兄斌

率勇禦太平軍於宣城三月城陷被執逼之降鼎曰身降

而心欲殺汝奈何遂遇害妻葛氏兄文學其昆弟名財名

性名翰俱進士金榜子均以軍功給六品頂戴咸豐庚申

亦在宣城隨官軍禦敵陣亡未訪冊

孫 澐 附生世居姑溪河南教行自守有長者風同治元

年十一月奉母避亂金堡圩適敵兵臨圩澐隨母張氏先

旬經妻媵木氏亦殉三子一婦俱慟之曰吾所以偷生者

以父母在今若此復何言遂同日絕粒死同族張金道亦

附生以慙直不屈為敵兵支解死同時顧連榮為名諸生

當塗縣志 卷九

性廉潔教士必以禮避亂至為漢鎮仍以課徒為生亦於

是年十二月偕妻周氏子應傳寓敵敵及亡兩江名

陶靜之 字其文號柳泉太學生繼增子北鄉塘西村人從

九品寄居宣城咸豐十年城被圍奉周軍門大受檄督圍

守城及陷被害世襲雲騎尉後以子治貴誥贈奉政大夫

治別有傳孫宗堡優貢宗俊拔貢同族陶柳亭附生性理

魁地方事一無所聞咸豐間太平軍與柳亭嘗唱然曰吾

老書生義不受辱同治元年八月軍至率弟繼聲姪其明

其聰俱投水死又職員陶其相倡辦團練以督團力戰陣

亡通志卷八

陳家輝 字登瀛塘西村人家貧勵志久困小試亦於同治

元年八月被脅不屈死一家同殉者凡八人

兩江忠義錄卷之五

沈太和 州同銜北鄉南莊村人眾欽其廉正奉為團董年

六十有六猶策杖指揮鄉勇治團事同治元年八月開太

平軍至憤不顧身帥團出戰乘其將進退之致受重創亡

事聞照千總例給卹並廣雲騎尉同族沈培初附生沈敬

文監生先於咸豐四年俱以督團禦敵死同時監生程位

隆石馬村人年六十有六亦於同治元年七月帥團出戰

被執斫死其忠義之氣為尤烈云

兩江忠義錄

庚長青 字占奎道光甲午武舉徐山村人精於醫活人無

算尤有銳志平居談忠烈事慷慨如也咸豐三年聞警即首

倡團練與太平軍抵禦數十日晝夜巡防無少懈四年四

當塗縣志

卷八

月敵入金柱關城復陷長青率鄉勇擊走之陳所部於縣

兒山為官兵援書大旗曰同心殺敵每戰輒慷慨爭先以

積功保千總未幾敵大股至團勇紛紛潰長青憤激力戰

嘔血亡同治六年旌卹專建祠坊同族庚成鏞以軍功得

六品同時在局襄事者夏朝聘夏瑞徵金山村人俱於同

治元年七月率團禦敵陣亡朝聘弟朝欽亦殉焉事聞廣

雲騎尉

通志兩江忠義錄

顧永章 采石鎮歲貢生居恒曠然樹名節同治元年九月

太平軍至鎮問知章年七十有四矣不忍加害脅之以行

途中憤罵不屈至霍里遂被戕家屬聞耗俱殉焉同鎮尹

鑑字璞庵亦歲貢砥行績學從遊者甚多先於咸豐十年

被脅不從投水死時年七十有一

兩江忠義錄

胡國椿 字蔭廷采石舉人國樞弟少敏達讀書之暇旁通

史治後入兩江督署治軍書遂寄居金陵咸豐癸丑城陷

閨室自焚太平軍未撲火見格衣冠立火中未死以槍刺

之出椿且曳且罵負痛走門外投水死眷屬俱燼惟子遵

煦遇救獲免後官江西袁臨副將事聞國椿入祀金陵昭

忠祠

兩江忠義錄

劉金瑚 字丹林章漢橋人幼遵父命服賈勤守先業自奉

甚儉不私厚其妻子同治壬戌太平軍至過於逐脅之以

兵不屈赴水死

采訪冊

黃吉士 監生同治元年八月在關脈巷督團陣亡時襄辦

當塗縣志

卷九

者同族監生黃安沛亦於是年偕妻郭氏及子敦銘赴水

死同里徐興桐徐泗村人從曾國荃殺敵亡於陣族弟嘉

昌亦以不屈被戕

兩江忠義錄采訪冊

鍾良聰 字少宜增貢隸子少讀書英敏過人咸豐甲寅秋

與武童唐名譽等倡辦團練以禦敵遂遇害同族武舉拔

千半團應援手及十餘人力竭受傷死庠生克成及廣榮

廣極立元德樹德椿俱以被執不屈死

通志采訪冊

唐名洲 字子瀛庠生孝廉唐翊孫性忠厚家貧儲書供父

母同治壬戌五月朔為太平軍所執脅之降州痛罵不屈

以頭觸之遂遇害事聞廣雲騎尉無嗣承襲人多惜之

采訪冊

唐名鑒 字鴻儀性剛直尚義仗成豐四年與文章鍾良聰

治園陳取卿勇嚴整及敵至率勇迎戰卒與同族微淮名

保名軒名亮等陣亡通志未

唐元明 字朗山廬生少嗜學為詩文有奇氣應鄉試屢薦

不售咸豐初聞警嘗撫衆太息恨不能與兵事後佐華亭

令劉行高禦太平軍戰屢提劉以積功擢上海道方欲倚

為長城而煦竟積勞病卒劉哭以詩有風雨同舟心膽寒

衝鋒陷陣一偏冠之句未訪冊

吳煜 字梓如花津人父庠生其賢工詩文為郡守陳雲

所識拔煜受庭訓植品勵學喜談忠義咸豐三年聞金陵

失守誠族人口吾家世受國恩萬一不虞勿貽先人羞衆

當塗縣志

卷

曰諾會奉檄辦團以功授六品四年八月敵軍大至煜率

團力戰亡於陣子樹滋增生時奉父命避難江右依舊戚

夏燮深得教益亂平歸倡建宗祠設施棺局修八卦圩諸

義舉以耿介稱煜故俗從九品弟成讓庠生俱以率團禦

敵陣亡於青山隴上村世襲雲騎尉兩江忠義傳

程魯唐 花津八圩村人捐貲集團疊著勞勩同治元年

七月十九勇忽潰被執脅降不屈衆間偕妻來氏子懋材

懋林媳黃氏呼曰吾事畢矣闔門舉火自焚死族弟學忠

學儒學金俱以率團力戰亡於陣子姪懋慶懋錦傳勤懋

和懋壽及懋祥正榮父子俱殉焉榮子以發以瑞開祖與

父戰歿遂投水死程姓聚族而居男婦同死者凡七十餘

人備列於表又武生陸秋園亦在禪村督練陣亡同里任

榮村有任兆興任輔禮任德樞皆血戰重創相繼死闔門

同殉各專建祠坊兩江忠義傳錄

袁樹堂 監生袁甸村人同治元年六月寇至疑其家有資

財入其室拷掠備至受傷亡年已七十有八吳同時有監

生程培根在寶義圩監生喻榮紳在黃土圩荷嶺村監生

吳承恩吳道和在官圩雁頭村武童高炯高有禮在花津

俱督練陣亡同治旌卹各建祠坊兩江忠義傳錄

吳道茂 大花津人聚族而處世敦雅睦聞兵警互以忠節

相勸勉道茂齒較長敵至痛哭一晝夜歎曰吾家世讀書

見危授命此其時也乃偕妻尉遲氏子維統雖繼閉門絕

當塗縣志

卷

食死其同族以道字排行者居先次之字又次學字合門

殉難者凡三十家先後戰死者已不下數百人備著於表

兩江忠義傳錄

陶鑄賢 廬生花津八圩人質直好義果敢有為聞太平軍

興即令子弟農隙講武鄉民氣固剛勁經賢精練故一時

民團推八圩為最同治元年七月十九敵軍大至賢督團

出戰尋歿於陣子士命士企士合詳孝友族弟鑄良邑增

生居小莊村子士保弟鑄才附生均於是年二月督團力

戰元同族北蕙鳳高鳳才鳴道鳴遠亦陣亡鳳朝鳳福鳳

全哭曰吾父兄及姪皆死吾敢獨生乎遂偕妻子殉作通

妻子亦如之計闔門同殉者凡七人通志未

李 蘭 監生花津人咸豐十一年十月閏家殉難又李正

蘭文童在大莊村督團出戰陣亡是役也以文童而率勇

戰死者近三十人

兩江志義傳錄

程懋標 釜山村人以辦團得六品軍功同治元年七月太

平軍至四鄉驍然標率勇奮殺被執無懼色敵軍壯之脅

令降標叱曰鼠子敢爾極罵求速死遂支解之子正國正

倫衝入陣中尋父尸未獲死於亂軍妻夏氏投水殉焉同

時有督團禦敵陣亡者從九程金鑾世襲雲騎尉通志附

沈太和傳中

通志兩江志義傳錄

朱子厚 世居釜山村為人慇懃有義氣捐貲募團任團長

督勇保衛鄉里屢經抵禦有功值敵勢盛練眾皆潰子厚

當塗縣志

卷

屹立釜山奮挺繫之奪其械脅之降子厚憤罵曰吾豈與

狗彘同處者哉敵人怒甚剖心以死子孫因救護不克遂

陣亡媳姚氏痛哭投水死同族朱學榮武童性勇猛有膽

畧兼精火鎗每發輒中同治元年七月十九日率團出戰

陣亡兄學榮學榮弟學營學營俱隨殉同族文童學源先

於咸豐四年八月在石馬村遇寇被殺死以型以塾皆舉

室自焚死光前光祖戰歿於陣妻子殉焉其一族婦女殉

節者數十人別有表

兩江志義傳錄

李大序 大莊前村人從九品衛督團禦敵陣亡合家同殉

世襲雲騎尉同族大本大倫大康大應亦皆陣亡舉室俱

殉各專建祠坊

兩江志義傳錄

陶漢雲 一名顯鵬附生陶家橋港北村人兄顯鵬性慷慨

勇於任事太平軍與邑令趙筱琴謝鵬為團總境賴以安

以功保六品漢雲幼失怙鵬延名師嚴教誨俾得成三有

聲序序間咸豐癸丑敵軍大至雲奮不顧身率團力禦死

之子整廢襲雲騎尉姪偉觀亦附生同族名遠名海名富

立揚飛揚成揚保揚等為團勇著卅餘人均於同治元年

七月出戰陣亡時附近廿餘村皆以合羣相勉協謀保衛

策略期有以自全其中巨族大家如陶張程許朱夏劉黃

章陳諸姓咸倡捐巨貲訂家出壯丁法集眾幾三千人由

咸豐七年至十一年同治元年七月至十一月出死力與

敵應戰不知若干次其先殺於敵者殆二千數百人俱列

當塗縣志

卷

於表

兩江志義傳錄

章鴻壽 庠生新市成子山章村人工詩文有聲庠序咸豐

三年與名諸生朱煥左梅山寺練民為團保衛桑梓同治

元年七月率花津五圩團勇與族弟正統正國正全正培

等禦敵先後陣亡廢襲雲騎尉族姪道憲道龍道積族孫

啟宇啟安啟受啟及皆舉室自盡又同族章正選正實正

假姓道憲道培道明道珍及同姓章應方章儒漢皆戰歿

於軍合戶俱殉各專建祠坊同村陳有勇因弟有富有餘

隨章姓出戰陣亡遂舉室自戕亦旌卹如例是鄰也章姓

男婦仗節死義者近百人別有表

兩江志義傳錄

邵明一 與明乾明烈俱新市黃塘村人部為村中巨族弟

兄皆倡辦團練捐貲募勇以精練備當抗敵於湖沿慶戰
屢捷一日敵大至團勇戰潰居民紛紛徙明一等謀曰事
勢至此大何言遂各挈眷投水殉時同治元年七月二十
日也一時同死者明一弟明鑒明乾弟明坤明成明茂明
與明田及子姪德音德敬德恭德福德厚德興德惠近三
十人同姓邦鳳邦英邦良邦鼎邦治興元興志朝忠俱合
家殉難各專建祠坊同村胡仁安仁保仁全仁興兄弟號
泣曰吾兄仁玉治發俱陷於陣吾獨生可乎遂與明根舉
室以殉同里鮑學琪大祥大雄既陣亡合家亦死於是年
之難俱旌卹有差通志○兩江
忠義傳錄

當塗縣志 卷

鄒太和鄒廣福 新市鄒家村人與黃塘村鄒姓聯合結團
殺敵無算同治元年秋七月陰雨累日敵乘夜襲之福最
驍勇手刃數人乃竭死弟廣財廣進偕妻子隨殉鄒廣富
因父太和陣亡隨母陳氏殉同族廣銀廣興聖和聖達聖
其俱歿於陣合室自投烈燭亡事聞旌卹各專建祠坊兩江
忠義傳錄

陶世珊 新市人與弟世珏世域率婦女十餘口俱殉同治
元年七月之難兩江
忠義傳錄

周 葵 字小桓號亦尊道光己酉舉於鄉歲貢聖元子世
居博望鎮性謹厚言笑不苟咸豐癸丑奉當塗令王乃晉
檄治氏圍橫山以東民氣剛勁葵精練之故一時稱最值
天王洪秀全踞金陵亞天候羅大綱鐵公雞屢攻凍水壘

與張海觀劉桂聲胡克沂等率團橫梗其間且數推其鋒
致羅鐵等不得逞衛之乃集大股并力合圍圍清義被俘
年已七十有六敵憐其老不忍加害欲授以職葵罵不絕
口敵婉勸之罵益甚被拷掠死時咸豐十一年三月也孫
榮慶長慶及全家數十口俱同殉同治六年贈葬都察院
經厯銜廕子入監同族祖亮字清輔廩生幼有神童名年
十七背誦十三經如流水水因入邑庠咸豐間被掠於敵會
之入幕不從絕粒死通志○兩江
忠義傳錄

當塗縣志 卷

劉桂馨 博望人廩生品行素優聞亂作與家人謀曰事勢
至此大何言予家世讀書愧無實用惟有以死全節或可
免先人於地下舉室然其言咸豐十年三月金陵大營清
敵至果絕粒先死妻陳氏子慰祖繼祖亦相繼絕粒亡事
聞照九品階例贈鹽知事銜廕妻主簿同族劉慶宸監生
倡首團練歷著戰功保獎品銜亦全家死於是年之難族
弟輔宸監生年五十有四性誠篤鄉黨稱之咸豐十一年
六月敵脅至母陽湖誓不與之俱行遂遇害妻侯氏及幼
子亦投水殉又族弟贊宸附生與妻周氏以抗敵被擄及
死裏宸監生同治元年與妻陶氏子遵睦恐為敵所脅以
火焚屋遂燼焉通志○兩江
忠義傳錄

劉才卿 與劉經傳皆博望鎮附生謹厚有長者風襄辦團
練巡警無少懈俱於咸豐十年後先被戕死劉氏一門以
耆年而抗志不屈者如監生劉蔚秀年六十七合室同殉

監生劉會昌劉壽民劉尊光年俱六七十皆以被脅不從死又劉恒清遇戰輒爭先以功得六品同治二年三月殺敵過當力竭被擒敵愛其勇誘之降不從乘間投水死妻于殉焉通志○兩江忠義傳錄

胡克裕 字玉聲博望鎮貢生在鎮督辦團練慷慨有為以軍功得六品同治元年十一月二十日敵奄至家潰裕以後殿被執脅降不從罵益厲遂支解死于承說承讚承許詳孝友妻黃氏殉焉世襲雲騎尉同族胡克沂監生亦慷慨尚義幫辦團練鄧紹良軍門給六品時年已六十矣咸豐十年金陵大營潰一家殉難者十五人子承誥承調承膳詳孝友胡克輔監生於同治元年十月禦敵不屈死

當塗縣志 卷

妻汪氏先一年遇害又同鎮胡國釗附生胡國銓監生俱於是年九月被難妻費氏哭曰吾從夫地下矣遂絕粒殉通志○兩江忠義傳錄

張繼鰲張杰周曜南 皆博望鎮附生性誠懇不與外事有聲學校間以禦敵辦團練俱於咸豐十年及同治元年先後被執不屈際馬程印魁吳道銘亦博望人性忠直有氣節俱於咸豐十一年被戕印魁一門殉難者十一人道銘一門殉難者十四人別有表兩江忠義傳錄

張海觀 長流嘴附生應辦團練有功授五品同治元年七月以督團禦敵力竭陣亡年五十有六同族以團練得六品軍功出戰陣亡者如張宗周宗善宗良宗致朝幹朝福

及子姓男婦同死者近百人別有表是難也博望沙埂金山各村鎮因集團禦敵得有軍功保舉者或督團出隊而同日捐軀者數百人惟長流嘴三保七姓練氏為團戰功最著其被禍亦最酷云通志○兩江忠義傳錄

丁際盛 附生長流嘴人年六十九矣值太平軍至與妻媳俱閉門絕粒死同治六年贈鹽知事銜同族丁正勤年七十六丁正益年六十七丁承虎年五十八皆以抗志不屈被戕死其子姓殉難者甚多別有表兩江忠義傳錄

陳大宗 長流嘴人年七十有三事母至孝母陶氏年九十未嘗一刻違左右同治元年七月太平軍至強以入館受給養母怒拒之大宗隨母投水死孫業昌與妻殉焉其

當塗縣志 卷

同族以差年而抗志不屈者如陳世彬年八十四於是年罵敵被焚死姪媳王氏聶氏亦投烈燄殉陳大受年七十一合家被戕者凡七人陳大瑞年六十三陳順昌年七十五陳濱昌年六十九均同時以抗拒遇害尤以同族原昌厚昌宗昌承昌之一門殉難為尤慘男婦同死者凡七十餘人別有表兩江忠義傳錄

聶國海 長流嘴人聞警即慷慨涕泣以忠義節烈訓勉其家人同治元年七月敵軍分投鄉堡殺掠甚慘如海一家自戕者凡十一人同族國福恆心興源興鑑與鑒俱各專建祠坊兩江忠義傳錄

吳氏杰 字俊卿沙埂歲貢生性端嚴謀生徒成就甚家太

平軍至憫其老使入館執事未起且罵答之罵益厲遂磔
焉其同族以名諸生而督團血戰者如吳楚雲字業琮年
已六十有六吳藻文年五十五吳氏恭字位衡年四十七
吳振曾以治團議叙職員俱同時陣亡

兩江忠義傳錄

陶道全陶廣明 五區沙埂人倡辦民團以勇著同治元年
十一月敵至道全等集族弟廣均廣珠廣權廣本廣領道
記大長諸人慷慨言曰今日要當決死戰不可走累皆應
曰諾食頃敵軍至荷戈奔降道全率廣均等與抗戰力竭
陣亡合家俱殉其同族仗節死義者甚多備著於表沙埂
朱村袁肇錦亦於是年七月率兄弟妻子相繼自盡凡十
六人別有表

兩江忠義傳錄

當塗縣志 卷

夏錦元 沙埂監生年七十有八其為人忠厚有古風敵將
至不欲遠避曰吾有死耳咸豐八年八月被脅不從賊焉
同族夏會鼎會源會海俱附生均於同治元年十月先後
被戕死

兩江忠義傳錄

陶開基 監生湖陽鄉人性尚義俠與博望劉會昌等倡辦
團練為官軍聲援咸豐六年太平軍至湖陽借款籌餉無
寧日基力拒被執楚毒備至卒以不屈亡同族學賢國祥
亦以被執不從絕粒死同里夏北思夏恒有祖鳳噪高敬
求俱以血戰力竭被擒死各旌卹如例

兩江忠義傳錄

徐敦善陳昌俊 皆湖陽鄉庠生成豐三年奉大府檄治團
練七年敦善合門殉難昌俊亦死之與敦善同族者徐博

文性果毅有為太平軍至欲燬社廟以博文力抗鬪之與
昌俊同族者陳良讓亦被執不屈死同里劉功譽年十三
奉祖母孫避亂石臼湖畔不忍離被擄不從斷雙臂死

卹

費燮陽 附生世居博望費村為人尚廉潔矢志不屈同治
元年十二月十日敵至榜掠之楚毒備至自腔以下皆骨
露而血糝糊指寸寸斷仍罵不絕聲而亡同時附生吳道
瑞亦以被擄服藥亡妻尉遲氏縱火自焚死又附生張慰
尊張司村人亦於是年禦敵重創死妻子殉焉

兩江忠義傳錄

當塗縣志 卷

兩江忠義傳錄

陳希 武生黃陂村人性純謹不與地方事鄉里目為善
人年已七十餘兵聞敵軍至重門洞開衣冠據几坐曰吾
年老不能殺爾等必唾罵而後死敵怒殺之合室殉焉同
時老人過冠不屈者如張大祥杭大村人年八十為敵刺
之死孫開全年七十七孫開祥年六十五大龍村人黃北
元年七十一居雲山杭廷章年七十五陶遵銀年七十四
世居陶家甸皆以抗志不屈死村人感其高節憤激起義
者達數百人又常棣圩查崇潤年七十六許應坤年七
十均於同治二年七月遇害同圩殉難者數十人別有表

兩江忠義傳錄